

unde die zeynser an gnanter rectori der sapiencie und probst geweist werden ewiglichen obgnanten zcwehen studenten von vierteiliaren zu vierteiliaren zu iren studiren zu distribuiren, unde zo sie nicht studiren adder toguntlichen lebten, andere an ire stat von dem rat ordiniren und schigken laßen. Begebe sichs auch, daß solliche tausenth fl. R. angelegt wurden auff eynen widderkauff unnde widder wie sichs geburet abegeloßet, deß- 5 gleichen die neunhundert golden hoptsumme an der stat Mitweyden abegelost wurden, sollen obgenante vorsteher die macht haben, solliche widder anzulegen mit rat unde wissen obgnantes rectoris sapiencie und des probst gnanter collegii principis, wie sie es am allerbquemsten wißen, können unde mogen, dhomit dieße gutte wergke nicht vorhinntert werden. Unde gnanter doctor Christophorus hat mir offenbaren schreiber hyr 10 untten gnant solliche vor anderen aufftragung voreigunge unde obirgabe, die er nicht auß betrieg, bsunder alleyne gote dem almechtigen, der hochgeboren konigynne Marien unde den heiligen vorgeanten patronen eren un zu troste seyner unde seyner geslechts selen heil unnd selikeit, mit freyen wolbedachten gemute gtan, gantz, stete, veheste und unwidderufflich zu halten geredt, globet unnde zugesagt, unde obir sollichs alles mich 15 offenbaren schreiber der gnante her doctor ym eyns adder mehr unnde ßovil im not offenbare instrumenta zu machen gebeten. Gescheen zu Merßburg im iare, babsthum, indiction, tage unde monden wie oben, in der hyntter stube deß wirdigen herrn magistri Nicolai Dehen, die zzeit bischoffliches officialis doselbst, in seyner behaußunge in gegenwertikeit gnanter magistri Nicolai Dehen unnde Caspar Wichsler, die zzeit bischoffliches 20 secretaryen als getzeugen, dorzu ßunderlich durch mich notarien gebeten, requirirt unnde geruffen.

Und wan ich Iacobus Hoppe von Conitz, clerigk Gnysensch bisthums, von bebstlicher unde keyserlicher gewalt offenbar schreiber, bey obberurter donation voranderung und vornemung, auch allen und itzlichen andern vorgeschryben geschichten do, dy also 25 durch gemelthen achtbarn, hochgelerten ern doctoren Cristophorum Kuppener geschagen mit sampt obgeschryben getzeuge kegenwertig gewesen, die alle also gesehen und gehort, darumb hab ich sulchs in disse offen form gebracht und kegenwertig instrument durch eyn andern treulich geschryben daruber gemacht und mit meynen hant unterschryben, auch mit meynen gewonlichen zzeichen, namen und zcunamen befestiget und 30 gezceichent, zcu urkunt und globen sunderlich darzu gebethen, gefordert und gerequirirt.

282.

Beschwerden der sächsischen Nation, die Disziplin, die Rektorwahl, die Kleidung, Verwaltung der Universitätseinkünfte, Regierung der Artistenfakultät, Disputationen und das akademische Concilium betreffend.

1510. 35

Hdschr.: Or. Pap. Hauptstaatsarchiv Dresden, Universität, Raths und andere Händel loc. 10532 fol. 356—57.

Ann.: Die Jahreszahl ist oben am Rande verzeichnet.

Gebrechenn durch die Sechssische nation angegebenn.

Es ist wennigk ader gar keyn gehorsam in der | universitet noch eyniche forchte